

Proyecto di 'segundo chens' a wordo aproba:

Alumnonan cu no a logra diploma awor si EPI ta duna nan e chens



ORANJESTAD(AAN):

Tin di e studiantenan no ta logra nan diploma pa motibo di detayenan chikito. Irayka Yanez di EPI a splica cu awor aki en berdad a caba di haya aprobacion pa un proyecto cu yama "Awo si, diploma den bo man." E ta un tweedekans onderwijs unda cu studiantenan cu a logra yega te cu examenklas, cu pa un of otro motibo no a logra alcanza di logra nan diploma, ta habriendo porta pa nan pa nan po sigui un, dos of tres vak cu nan no a logra haya nan diploma, pa nan por drenta back onderwijs. Un di e criterionan

ta si cu tin cu sigui esaki durante dia hunto cu e otro studiantenan den un rooster regular. Pa nan e ta necesario pa nan tin e flexibilidad si nan ta trahando pa por sigui e onderwijs eynan den dia.

Ta kere cu hopi estudiante of personanan cu no a caba nan onderwijs cu lo tin caba toch sigui ainda e vak ey cu nan falta y logra nan diploma toch na final. DIARIO a compronde cu na Colegio EPI tin basta estudiante cu a aplica caba. Tin nan riba un wachtlijst riba desde aña pasa wardando pa e proyecto aki worde aproba. Y awor e ta aproba y por habri porta pa nan. Nan ta hopi hoben, hendenan un tiki mayor di edad tambe, door cu por ta dificultadnan den bida, por ta nan a forma un familia of mester a bay traha of pa un of otro motibo cu nan lo tabata tin cu no por a sigui e examenjaar, awor aki nan tin e posibilidad ey atrobe, segun Yanez.